

## NORMAS PARA O DESEÑO DA ASEMBLEA

1º.- As presentes normas teñen como fin esclarecer e axilizar o desenvolvemento assembleario, de maneira que esta se desenvolva o mellor posible.

2º.- As intervencións e votacións dos Sres. Asembleístas son persoais e intransferibles, polo que a persoa que estea acreditada en cada caso será a única que poida facer uso da palabra e exercer o dereito a voto.

3º.- Para facer uso da palabra, os Asembleístas deben solicitalo ao Sr. Presidente, quen, en aplicación do Artigo 45 dos Estatutos e 189 do Regulamento Xeral, será quen dirixa os debates, conceda ou retire a palabra, e pase a votación os asuntos cando o considere oportuno.

4º.- Só serán obxecto de debate particularizado aqueles temas ou preceptos que sexan obxecto de emenda e os que o Presidente ou a maioría da asemblea considerase preciso. Os temas ou preceptos non emendados entenderanse como aprobados, salvo que resulten afectados por emendas aceptadas en relación con outros temas ou preceptos. Artº 192 do Regulamento Xeral da F.G.B.

5º.- Durante a sesión só poderán presentarse emendas transaccionais que pretendan aproximar o contido das emendas presentadas e o texto do relatorio. As emendas transaccionais deberán presentarse por escrito antes de iniciarse a votación do texto ou precepto correspondente. A cualificación e admisión de tales emendas corresponderá ao Presidente. Artº 194 del Regulamento Xeral da FGB.

6º.- Por cada emenda poderán producirse dúas quendas a favor e dúas en contra por tempo non superior a tres minutos cada unha. En caso de emendas que se formulen no mesmo sentido, o Presidente poderá dividir as quendas a favor entre os emendantes. Artº 195 del Regulamento Xeral da FGB.

7º.- Finalizado o debate de todas as emendas a un tema ou precepto, someterase a votación o texto que, nese momento, propoña o Presidente. Se fose rexeitado, se someteranse a votación pola orden do seu debate, as emendas presentadas ata que algunha resulte aprobada. Artº 196 do Regulamento Xeral da F.G.B.

8º.- A aprobación das emendas requirirá a maioría simple, salvo que os Estatutos da Federación Galega de Baloncesto dispoñan outra cousa. Artº 197 do Regulamento Xeral da FGB.

9º.- As votacións efectuaranse a man alzada, salvo o disposto nos Estatutos para casos específicos. Artº 198 do Regulamento Xeral da FGB.